

Գ. Լ. Գրիգորյան

ՄԵՍՐՈՊ ԹԱՂԻԱԴՅԱՆԻ ԱՇԽԱՐՀԱՅԱՅՔԻ ՀԻՄՆԱԿԱՆ ԳԾԵՐԸ

Մեսրոպ Թաղիադյանը (1803—1858)¹ նոր ժամանակաշրջանի հայ հասարակական-քաղաքական մարքի ձևալորման պատմության մեջ նշանակալից և ուրույն դեր է կատարելու նա յոթ տարի խմբագրելու հրատարակել է պարբերական մամուլ («Ազգասէր» և «Ազգասէր Արարատեան»)՝ ակտիվ կապ պահպանելով մի շարք հայկական մտավոր-կուլտուրական կենտրոնների հետ, մեծ սիրով իրեն նվիրել է մանուկ սերնդի դաստիարակության գործին, գրել է գեղարվեստական և գիտա-պատմական գործեր, որոնցում արժարժեք է հայ հասարակությանը հուզող պատմական-քաղաքական, էսթետիկական, մանկավարժական հասարակական, փիլիսոփայական և այլ հարցեր:

Թաղիադյանի աշխատություններն ու հոգվածները չեն կրում տեսական-փիլիսոփայական բնույթ: Նա բարձրացնում էր այնպիսի հարցեր, որոնք առաջադրում էր հայ կյանքը և որոնք անմիջականորեն առնչվում էին հայ ժողովրդի տնտեսության ու կուլտուրայի հետագա վերելքի խնդիրներին հետո: Տեսական-փիլիսոփայական պրոբլեմները Թաղիադյանի աշխատություններից բխում են հիմնականում որպես հետազոտություններ, որոնք նրա գործերում հասարակական-քաղաքական հարցեր շոշափելիս ելակետային սկզբունքների գեր են կատարելու:

Թաղիադյանը հայ աշխատավորականներից ու հասարակական գործիչներից էր, որոնց լնորոշ է ֆեոդալա-կղերական մտայնությունից բուրժուա-լուսավորչական աշխարհըմբռնմանն անցնելու երկվությունը: Հիմնականում խորտակելով ֆեոդալա-կղերական պատկերացումների շղթաները և բազմաթիվ հարցերում հանգես գալով լուսավորչական, ժամանակի համար առաջավոր գաղափարներով, նա միաժամանակ ցուցաբերում է անհետևողականություն և տարրեր խնդիրներում առավել կամ պակաս չափով մնում է կապված անցյալի մտածողության հետ:

Թաղիադյանի աշխարհայացքի ամենաբնորոշ գիծն այն է, որ նա հանդես էր գալիս հասարակության զարգացման, տնտեսության, կուլտուրայի ու գիտության առաջընթացի ամենաառաջնորդ ու կրթող պաշտպանությամբ: Որպես լուսավորիչ, նա այն տեսակետին էր, թե հասարակության առաջադիմության հիմնական կոմանդ լուսավորությունն է: Նման իդեալիստական ըմբռնման հիմքն այն է, որ Թաղիադյանը հասարակական-պատմական երևույթները մեկնաբանում էր ոչ թե հասարակության նյութական կյանքի պայմաններով, այլ՝ ձգտում էր բացատրել մարդկանց գիտակցությամբ, նրանց զարգացման մակարդակով՝ վերջին հաշվով գաղափարներով: Նա եվրոպական մի քանի ազգերի, հատկապես անգլիացիների, տնտեսական-քաղաքական վերելքն ու հզորությունը պայմանավորում էր սոսկ գիտության ասպարեզում նրանց ձեռք բերած նվաճումներով: «Ի՞նչ ալ, — գրում էր նա. — ոտով Ունգելիս բուրդը երկրի վառվեալ դարձել, ո՛չ եկամտեւեման, և ո՛չ աշխարհի պրկութիւն, ո՛չ մաքղկանց շատութիւն, և ո՛չ կառավարութիւն, ո՛չ զենքն և ո՛չ զինուորների ոյժն և ո՛չ էլ յաղթանակութիւնների նշաններն, փառքն, պատիւրն և կամ պարկերն, այլ նոռա հարս գերագույն և սրբազան գիտութիւն և խելեւա...»²: Նման բացատրությունը, չնայած իր իդեալիստական բնույթին, հասարակական-պատմական երևույթների կրոնա-պրովիդենցիալիստական ըմբռնման համեմատությամբ մի քայլ էր ստաչ:

Հասարակության բարեկեցությունը պայմանավորելով լուսավորությամբ, Թաղիադյանը կարծում էր, որ հայ ժողովրդի թշվառությունների, նրա սոցիալ-տնտեսական հետամնացության պատճառը լուսավորության ցածր մակարդակն է: Ուստի նա իր հասարակական գործունեության հիմնական նպատակն էր համարում հայ ժողովրդի կրթության ու դաստիարակության գործին ծառայելու:

¹ Թաղիադյանի կյանքի ու հասարակական գործունեության մասին տես Ռ. Նանումյան, Մեսրոպ Թաղիադյանի կյանքն ու գործը, Նրևան, 1917:

² «Ազգասէր», 1846, № 41, էջ 168:

Թաղիաղյանը մերժում էր այն ամենը, ինչ նրա կարծիքով արգելակում է հասարակության մեջ արդարության ու հավասարության թագավորությանը, խոչընդոտում է նրա տնտեսական ու կուլտուրական վերելքին: Հենց այս առումով էլ նա դեմ էր ֆեոդալական մասնատվածությանը, ֆեոդալական-միապետական կարգերին ու հանդես էր գալիս ճորտատիրության ուր քննադատությամբ:

Հայաստանի 19-րդ դարի 30—40-ական թվականներին, այսինքն՝ այն ժամանակ, իբր ստեղծագործում էր Թաղիաղյանը, գտնվում էր թուրքական բարբարոսական տիրապետության և ցարական Ռուսաստանի իշխանության ներքո: Բարձր գնահատելով հյուսիս-արևելյան Հայաստանի Ռուսաստանին միացնելու պատմական ակտը, որպես պարսկական բռնակալությունից հայ ժողովրդին ազատագրելու, նրան ֆիզիկական բնաջնջումից փրկելու և Հայաստանի տնտեսական ու կուլտուրական զարգացման համար նախապայմաններ ստեղծելու այն ժամանակ միակ ուղի, այսուամենայնիվ, Թաղիաղյանը դեմ էր Ռուսաստանի հասարակական-քաղաքական կարգերին: Սուր քննադատելով Անգլիայի գաղութային քաղաքականությունը՝ նկատմամբ, նա գրում էր. «Եւ շիցի այս բռնաբարությունն ի ծայրագոյն աստիճանի, անտանելի ևս քան զմովիկութիւնն Ռուսաստանի, և զկեղեմանս Պարսից»³:

Թաղիաղյանը իր «Ժանապարհորդութիւն ի Հայս» երկում, նկարագրելով Վրաստանում իշխող ֆեոդալական-ճորտատիրական կարգերը, զայրույթով է խոսում նրանց մասին⁴: Նա հանդես էր գալիս անհատի քաղաքական ազատության պահանջով՝ ռեթն ազատ օրենք և ազատ կենսւր շիցի, եոցա, այնպիսի որ ուրեմն համարեն ծնեալ ի բանտ և մեռանել ի բանտի», — գրում էր նա: Ֆեոդալական-միապետական, ճորտատիրական կարգերի պայմաններում, մտածում էր Թաղիաղյանը, ահեռուրբ ոտնահարվում են մարդկանց իրավունքները և հասարակության մեջ չի պաշտպանվում մարդկանց քաղաքական հավասարության սկզբունքը:

Անհաշտ էր Թաղիաղյանի վերաբերմունքը նաև թուրք-պարսկական հետամնաց իրավաւարդի նկատմամբ, ուր առավել ևս բացառվում էին մարդու իրավունքները և իշխում էին բացարձակ կամայականությունն ու անօրինականությունը: Նա անդրադարձել է արևելյան բռնակալական կարգերում ապրող ժողովուրդների, մասնավորապես հայ ժողովրդի տնտեսական քայքայման հարցերին: «Ժանապարհորդութիւն ի Հայս» աշխատության մեջ, նկարագրելով 20-ական թվականների գյուղացու տնտեսությունը, նա ցույց է տալիս, թե ինչպես բազմատեսակ հարկերը, խանական բռնություններն ու կամայականությունները քայքայել են գյուղացու տնտեսությունը, ենթակելով նրան անսահման զրկանքների⁵:

Թաղիաղյանը հանդես էր գալիս Հայաստանում նոր, օրինականության վրա հիմնված կարգերի ստեղծման գաղափարով: Այս խնդրում նա մեծ հույսեր էր կապում հայ բուրժուական խավերի հետ և առաջ էր քաշում հայ բուրժուազիայի տնտեսական և քաղաքական հզորացման հարցը: Իր մամուլում տպագրած հոդվածներում, նա հայ վաճառականներին կոչ էր անում բնկերությունների կազմել և արտադրական լայն գործունեություն ծավալել: Ուշագրավն այն է, որ Թաղիաղյանը գաղութահայ վաճառականներից պահանջում էր գործարաններ հիմնել ոչ թե օտար երկրներում, այլ մայր հայրենիքում՝ տեղափոխելով այնտեղ իրենց կապիտալները⁶: Թաղիաղյանը հավատում էր, որ ուժեղացած հայ բուրժուազիան կարող է մեծ օժանդակություն ցույց տալ, և՛ ոչ միայն օժանդակություն ցույց տալ, այլև ինքր հանդիսանալ Հայաստանի տնտեսական ու կուլտուրական վերելքի գործնական կրողը:

Ժխտելով ֆեոդալական կարգերը, Թաղիաղյանը հասարակության վերափոխման խնդիր առաջ էր քաշում: Այն բոլոր քաղաքական միջոցառումները, հասարակական փոփոխությունները, որ Թաղիաղյանը ձգտում էր իրագործված տեսնել Հայաստանում, իրենց բովանդակությամբ բուրժուական էին, օրյակտիվորեն նպաստում էին բուրժուական հարաբերությունների հետագա զարգացմանը, սակայն Թաղիաղյանն արդեն մասամբ տեսնում էր այն հակասությունները, որ բերում էր իր հետ նոր հասարակարգը: Նա տեսնում էր, որ այն հիմնված է փողի վրա, որ այնտեղ փողով ամեն ինչ գնվում ու վաճառվում է և որ ազատության ու հավասարության սկզբունքները ամեն քայլափոխին ոտնահարվում են: Թաղիաղյանը քննադատում է փողի, հարստության վրա հիմնված բարոյականությունը: Այս կապակցությամբ,

³ «Ազգասեր Արարատեան», 1849, № 27, էջ 215 (ընդգծումն իմն է — Գ. Գ.):

⁴ Տե՛ս Թաղիաղյան, Ժանապարհորդութիւն ի Հայս, Կալկաթա, 1847, էջ 313—314:

⁵ «Ազգասեր», 1847, № 91, էջ 153:

⁶ Տե՛ս Թաղիաղյան, Ժանապարհորդութիւն ի Հայս, էջ 226—227:

⁷ Տե՛ս «Ազգասեր», 1845, № 17, էջ 131:

«իրենակ, նա գրում է. «եթե մարդ փող ունենայ՝ ուր որ գնայ իւր համար ընտանիք պակաս չեն... քայց եթե փող չունենայ, վայ իւր խեղճ գլխին: Թող անփող մարդն հեղ լինի և խոնարհ, կասեն՝ էն էչն ես ասում, որ բերանը խուփ նստածայ մնում մին տեղ առանց խոսելու: Թող ճարտար լինի և բանիբուն՝ կասեն էն գիժն չես ասում, որ քամիայ կու տալման և խոսալով մարգայ գղուացնում: Թող իւրն մոռանայ և միայն Հայրենեացն ծառայի՝ կասեն ի հարկէ էչն որ կայ ստեղծվել այ, որ հարսանիքի ջուր կրի, ի՞նչ պարծանք իւրն»⁸:

Թաղիադյանը արդեն տեսնում էր, որ բուրժուական հասարակության մեջ ոտնահարվում են բարոյական բոլոր տեսակի նորմաները և փողը թափանցում է հասարակական կյանքի բոլոր ոլորտները, դառնում է պաշտամունք, ամենակարող ուժ: Դասային արտոնությունների փոխարեն իշխում է փողը, նրանով գնվում ու վաճառվում են ազատությունը, արդարությունը: Թաղիադյանն ասում էր. «Եվրոպական լրագիրները... կը սիրեն կաշառք առնուլ: Բնաւ մի հաւատար լրագիրներուն, թե՛ այստեղ (Հնդկաստանում.— Գ. Գ.) և թե՛ այնտեղ (Եվրոպայում.— Բ. Բ.), թե՛ նոցա մեջ ճշմարտութիւն կը գտնուի և կամ ըստ Աստուծոյ կը վարուին, ով որ արծաթ կը շուայն, նոցա կը փչն ղուռնա, և ով ոչ՝ թող քած շան պես ոռնայ, ահա այս է լրագիրների հանդեսը, եթե կամիս որևէ առնելի առջև արդարանալ, նախ լրագրաց մորուսին և պեխին իւր քան և ապա փաստաբաններին, ապա թե ոչ սպասիր վերջին դատաստանին»⁹: Որպես լուսավորության և քաղաքակրթության ջերմ քարոզիչ Թաղիադյանը բարձր էր գնահատում եվրոպական լուսավորությունը: Սակայն, նա միաժամանակ հասկացավ, որ քաղաքակրթությունը իր հետ դեռևս իսկական ազատություն ու հավասարություն չի բերում:

Չնայած այս ամենին, Թաղիադյանը մնաց որպես բուրժուա-լուսավորիչ, դուրս չգալով լուսավորիչների կողմից հասարակության վերափոխման համար առաջադրված լոզունգների ու սկզբունքների շրջանակներից:

* * *

Հայ ժողովրդի հետագա առաջադիմության գլխավոր խնդիրը Թաղիադյանի առաջ քարծրացնում էր մի շարք հարցեր, որոնք բխում էին հայ ժողովրդի համար ստեղծված պատմա-քաղաքական յուրահատուկ պայմաններից:

19-րդ դարի 20-ական թվականների վերջերին Հայաստանի արևելյան մասը միացվեց Ռուսաստանին: Այդ պատմական կարևորագույն ակտը ժամանակին չբերմունքն ողջունեցին հայ հասարակական-քաղաքական մտքի ներկայացուցիչները և ամբողջ հայ ժողովուրդը: Դրանց թվումն էր և Թաղիադյանը: Հայտնի է Թաղիադյանի նամակը երևանցիներին, որը նա գրեց հեռավոր Հնդկաստանից՝ Ռուսաստանի կողմից Երևանը ազատագրելու կապակցությամբ՝ 1828 թ. նոյեմբերի 1-ին:

Սակայն պարսկական բռնակալության տակ գտնվող Հայաստանի մի մասի ազատագրումով դեռևս չլուծվեց Հայաստանի ազատագրության հարցը, բանի որ հայ ժողովրդի մեծ հատվածը դեռևս մնում էր թուրքական դաժան՝ հալ ժողովրդին բնաջնջումով սպառնացող լծի տակ:

19-րդ դարի 30—40-ական թվականներին հայ հասարակական-քաղաքական մտքի մեջ Հայաստանի ազատագրության հարցը դարձյալ կարևոր տեղ էր բռնում: Այն իր առաջ խնդիր էր գնում հայ ժողովրդի երկու հատվածների միացյալ ուժերի միջոցով և Ռուսաստանի հովանավորությամբ վերջնականապես ավարտել թուրք-պարսկական իշխանությունից Հայաստանի ազատագրումը և հայկական հողերի միավորումը: Որպես ռուսական շահերն ապահովող ջերմ պաշտպան, Թաղիադյանը հայ ժողովրդի վերջնական ազատագրումը թուրքական լծից և հայկական հողերի միավորումը կապում էր Ռուսաստանի ռազմա-քաղաքական օգնության հետ: Ելնելով պատմության փորձից, նա համոզված էր, որ միայն Ռուսաստանը կարող է հանդիսանալ թուրքական բռնակալությունից Հայաստանի ազատագրողը:

Այն հանգամանքը, որ հայ ժողովրդի մեծ հատվածը դեռևս գտնվում էր Թուրքիայի իշխանության տակ, իսկ հայ ժողովրդի մի զգալի մասը, չկարողանալով տանել օտարերկրյա ծանր լուծը, գաղթել էր Հայաստանից և բնակություն հաստատել Եվրոպայի և Ասիայի

⁸ «Ազգասէր», 1847, № 91, էջ 151:

⁹ Հ ո Վ հ ա ն ն ե ս Կ. Մ կ Ր յ ա ն, Կենսագրութիւն Մեսրոբայ Դաւթեան Թաղիադեանց երևանցւոյ, Թիֆլիս, 1886, էջ 48:

բազմաթիվ երկրներում, քնականաբար մասնատել էր հայ ժողովրդին: Հայ ժողովուրդը կանգնած էր ազգային հատկանիշները կորցնելու և օտար ժողովուրդների հետ ձուլվելու վտանգի առաջ: Այս կապակցությամբ հայ ժողովրդի միասնության, հայ զաղութների փոխադարձ կապի և համագործակցության, ազգային կուլտուրայի և լեզվի պահպանման հարցերը հայ հասարակական կյանքի կարևոր խնդիրներին էին:

Թաղիադյանը իր մամուլի էջերում տարբեր առիթներով շատ անգամ է բարձրացնում այս հարցերը: Նկատի ունենալով տարբեր աշխարհամասերում առաջացած հայ զաղութները, նա գրում է. «Ազգային կապակցություն պետք ունի մի, եղբայրք, և ազգային գործակցություն՝ առաել ևս»¹⁰: Թաղիադյանը ոչ միայն զաղութահայության կապ էր պահանջում, այլև առաջ էր քաշում համագործակցության զաղափառը: Նա գտնում էր, որ փոխադարձ կապի հիմնական նպատակը համագործակցությունն է: Թաղիադյանը չափազանց կարևոր խնդիր էր համարում օտար երկրներ գաղթած, ինչպես և Թուրքիայում գտնվող հայ մասսաների մեջ պահպանել հայոց լեզուն, հայ ժողովրդի սովորույթները՝ ձգտելով դրանով իսկ ընդդիմանալ հայ ժողովրդի տարալուծմանը այն ժողովուրդների հետ, որոնց մեջ նա ապրում էր:

Լեզուն Թաղիադյանը համարում էր ազգի կարևոր հատկանիշներից մեկը, եթե ոչ ամենակարևորը: Այս իսկ պատճառով, նա գտնում էր, որ ազգը պահպանելու համար, նախ և առաջ, անհրաժեշտ է պահպանել լեզուն, «Առաջին և մեծ հոգ ազգին պատի լինել ի վերայ ազգային լեզուն, ապա թե ոչ՝ ընդհանուր վատնումն այսրան ազգային հանդանակություն»¹¹, — գրում է Թաղիադյանը: Տպագրելով «Ազգասերում» «Արարատեան ընկերության» աշխի ընկնող անդամներից մեկի՝ Թադեոս Խան Ավետույանի «Ի վերայ ազգային առաջադիմության» հոդվածը, որտեղ վերջինս շատ այլ հարցերի հետ միասին զարգացնում էր այն միտքը, թե «ներկայ ես ժամանակումն մեր ազգության ապացույց և նշանն միայն մեր լեզուն է, եթե այն ևս միջին բառնանք էլ հայ շենք», և՛ «եթե հայոց միջին հայկական լեզուն բառնանք, ազգին վերաբերելի բոլոր սովորությունն յետոյ մեր աշխի վատ կերևան, համազդի եղբարք միմեանց կրանդվին, կրածանվեն»¹², Թաղիադյանը իր համախոհությունն է արտահայտում հոդվածում արծարծված այս հարցերի նկատմամբ: Առանձին հոդվածում ամփոփելով Ավետույանի կողմից առաջ քաշված մտքերը, նա գրում է. «Հայոց լեզուն հարկավոր ա վասն ազգի պահպանության... իրավասվես և ճշմարտավես մին ազգի ազգության»¹³, նշանելով լեզուն ա... շատ հարկավոր այ լեզուն վասն պահպանության Ազգության»¹³:

Ապրելով և գործելով Հնդկաստանում Թաղիադյանը տեսնում էր, որ հնդկահայերը կորցնում են իրենց լեզուն, ազգային սովորույթներն ու տրադիցիաները: Այս երևույթի առաջն առնելու համար, նա գտնում էր, որ ամենից առաջ անհրաժեշտ է պահպանել հայոց լեզուն: Իր պարբերականի էջերում Թաղիադյանը քննադատում և պայքար էր մղում Կալկաթայի և Հնդկաստանի հայ այլ զաղութներում ախտ դարձած օտարամոլության դեմ:

Սակայն, որ լեզուն պետք է դառնա համազգային լեզու գրաբարը, թե՛ աշխարհաբարը: Այս հարցը, որը հասարակական կյանքում պայքարի առարկա էր դարձել, բաժանելով հայ մտավորականությանը երկու բանակի, հուզել է և Թաղիադյանին: Եթե Թաղիադյանին ժամանակակից Արևմտյանը վճռականորեն կանգնեց տալիս հարաբերի դիրքերում, ապա Թաղիադյանը խորը տատանումներ էր ապրում:

Թաղիադյանը գիտակցում էր, որ աշխարհաբար գրելու դեպքում նա պետք է հիմք ընդուներ որևէ բարբառ, բայց ո՞ր բարբառը ընտրել, որ հասկանալի լինի հայ ամբողջ ժողովրդին: Սկզբում նա ընտրում է Զուղայի բարբառը, եթե կարելի է այսպես ասել՝ Զուղայի աշխարհաբարը, բայց այն վաստի, որ յուրաքանչյուր կազմավորվող հայ կուլտուրական օջախում սկսում է տարբեր բարբառներ իշխել, մի հանդամանք, որը, ըստ Թաղիադյանի, ըլատում է հայ միասնական լեզուն՝ հայ ազգային լեզվի մեջ ամրապնդելով բազմաբարբառությունը, ու միաժամանակ բազասաբար անդադադանում տարբեր վայրերի հայ կուլտուրական կենտրոնների փոխհամագործակցության վրա, նրան բերում է այն համոզման, թե անհրաժեշտ է անցնել գրաբարին: Պաշտպանելով գրաբարը, Թաղիադյանը, սակայն, միշտ աշխատում էր պարզեցնել այն՝ օգտաօրոժելով նաև բարբառային արտահայտությունները:

¹⁰ «Ազգասեր», 1847, № 121, էջ 385:

¹¹ «Ազգասեր», 1847, № 109, էջ 292:

¹² Նույն տեղում, 1845, № 4, էջ 29:

¹³ Նույն տեղում, № 14, էջ 110—111 (քննադատումն իմն է — Գ. Գ.):

19-րդ դարի սկզբներից գրաբարի և աշխարհաբարի հարցը այն կարևոր հարցերից մեկն էր, որի շուրջը բախվում էին հայ հասարակության առաջադեմ և հետադեմ ուժերը: Գրաբարի պաշտպանության հանդես էին գալիս հիմնականում հայ հասարակության կղերա-ֆեոդալական խավերը, որոնք գրաբարի մեջ տեսնում էին Աւստիաթաշնչի լեզուն: Գրաբարի պաշտպանությանը նրանք աշխատում էին պաշտպանել ֆեոդալական կարգերն ու ֆեոդալական-կղերական գաղափարախոսությունը և բոլորովին անտեսում էին ժողովրդական մասսաների պահանջներն ու շահերը: Թաղիադյանը միանգամայն այլ դիրքերից էր մոտենում գրաբարի հարցին:

Աշխարհաբար, թե՛ գրաբար հարցը քննելիս, Թաղիադյանին ամենից առաջ մտահոգում էր այն հարցը, թե որ լեզվով ավելի հեշտ կլինի համազգային խնդիրներ լուծել՝ հայ ժողովրդական մասսաների մեջ լուսավորություն տարածել, նրան ծանոթացնել իր պատմական անցյալի հետ, վառ պահել նրա մեջ ազգային ոգին և միավորել հայ ժողովրդին: Հակադրվելով կղերա-ֆեոդալական խավերին, Թաղիադյանը գրաբարը աշխատում էր ծառայեցնել ժողովրդական մասսաների շահերին, իր կարծիքով որպես հասարակական-քաղաքական գաղափարներ պրոպագանդելու համազգային միջոց: Բաղիադյանը հիմնովին չգիտակցեց, որ գրաբարը չի կարող այդպիսի միջոց լինել, որ այն արդեն սպառել է իր դարը: Նա չհասկացավ, որ աշխարհաբարը այն միակ լեզուն է, որով կարելի է խոսել ժողովրդի հետ:

Թաղիադյանի հասարակական-քաղաքական նպատակների և լեզվի հարցում գոյություն ունեցող այս հակասությունը ճիշտ է նկատել Նալբանդյանը: Նա իր զարմանքն է արտահայտել այն բանի նկատմամբ, որ Թաղիադյանը չի հասկացել ու զգացել այդ հակասությունը: «Ինչ, — գրում է Նալբանդյանը, — շատ ծանր է թվել Թաղիադյանը այն հայերի կարգում, որ մտածում էին մեռյալը գործիք շինել, ժողովրդի մեջ կյանք ներս բերելու համար»¹⁴:

* * *

Թաղիադյանը կանգնած էր այն տեսակետի վրա, թե ազգի պահպանման, հայ ժողովրդի ասիմիլյացիայի առաջն առնելու համար լեզվի հետ միասին զգալի դեր կարող է խաղալ նաև ազգային կրոնը: Ըստ նրա, ազգային կրոնական ավանդությունները կարող են պատվար հանդիսանալ հայ ազգի այլ ազգերի հետ տարրալուծվելու դեմ: Ուստի իր թերթի միջոցով նա պայքար էր մղում ոչ միայն թուրքական ասիմիլյատորական քաղաքականության, այլև օտարերկրյա այն պետությունների դեմ, որոնք, ձգտելով ուժեղացնել Թուրքիայի մոտ իրենց տնտեսական ու քաղաքական տիրապետությունը, ամեն կերպ աշխատում էին իրենց ազդեցության տակ առնել Թուրքիայում ապրող քրիստոնյա ժողովուրդներին, հատկապես հայ ժողովրդին՝ այդ նպատակին ծառայեցնելով կրոնը: Այս տեսակետից Թաղիադյանի պայքարն ամենից առաջ ուղղված էր ընդդեմ Անդրիայի, Ֆրանսիայի և Ամերիկայի, այդ երկրների կապիտալիստական շրջանների, որոնք, իրենց ազդեցության տակ վերցնելով հայ ժողովրդին կասեցնում, արգելակում էին նրա քաղաքական համախմբումը և ազգային ինքնորոշումը:

Քննադատելով անգլիական և ֆրանսիական միսիոներական բնկերությունների երկպառակիչ գործողությունները հայ ժողովրդի մեջ, Թաղիադյանը սովորական միսիոներների մասին «Ազգասէր»-ի էջերում գրում է. «Ոչ պակաս ի սոցանէ՝ են և կարգք միսիոներաց, յորոց մին կոչեալ Ամերիկեան՝ տխրութեամբ ծանուցանեմք, արդեն սկսեալ և խորաբալս զմիամիտ Ազգ մեր, որ ի կողմանս Թուրքեստանու»:

«Այլ ով տարաբաղդութեանս — բացականչում է Թաղիադյանը, — ժամանալ եմք արդյայն սրեր, որ նորածին ազգք անգամ համարձակին սպրդիլ մտանել ի փարախս մեր անմեղ գառանց»¹⁵:

Հայ հասարակական-քաղաքական մտքի պրոգրեսիվ ներկայացուցիչները ոչ միայն 40-ական, այլև հետագա ժամանակաշրջանում ևս պայքար էին մղում օտարերկրյա միսիոներական այդ բնկերությունների դեմ, քննադատում ու մերկացնում էին նրանց բուն նպատակները: Դրանց թվում էր նաև Միքայել Նալբանդյանը:

Թաղիադյանը ոչ միայն կասկածի տակ չի դրել հայ եկեղեցու գոյության հարցը, այլև առանձին նշանակություն էր տալիս հայ եկեղեցու պատմական դերին: Նա գտնում էր, որ

¹⁴ Մ. Նալբանդյան, Ծրկերի լիակատար ժողովածու, հ. 1, էջ 275 (ընդգծումը իմն է—Գ. Գ.):

¹⁵ «Ազգասէր», 1845, № 11, էջ 83:

այժմ ես հայ եկեղեցին դեր ունի կատարելու հայ ժողովրդի համախմբման, նրա լեզվի և ազգային սովորույթների պահպանման գործում: Ըստ Թաղիադյանի, այն պայմաններում, երբ հայ ժողովուրդը ցրված է աշխարհով մեկ և ապրում է տարբեր ժողովուրդների մեջ, հայ եկեղեցին այն կազմակերպություններից մեկն է, որը պետք է իր վրա ստանձնի ցրված ժողովրդին համախմբելու և հայրենիքի հետ կապելու պարտականությունը: Սակայն Թաղիադյանը քննադատում էր հոգևորականներին, ծաղրում նրանց տգիտությունը, նրանց ուսուցած սխալաստիկ գիտությունը, առանձին հոգևորականների այլանդակ վարքը, ազահությունը, կաշառակերությունը և այլն: Թաղիադյանի առաջին կենսագրիչը՝ Կալկաթայի հայոց թեմի առաջնորդ Խաչկյանը, որը Թաղիադյանին ժամանակակից էր, տեսել ու խոսել էր նրա հետ, 1870 թ. հրատարակած կենսագրական ակնարկում այսպես է բնորոշում Թաղիադյանի վերաբերմունքը դեպի հոգևորականները. «Եկեղեցականների հետ հաղորդակցել չէր սիրեր, մանավանդ կուսակրոնների հետ չափազանց քաջառություններ... սորա երբ առաջնորդ կարգույն, կասեր, հետևներին ուրիշ բան չեն տաներ, բայց եթե ապականել բարք, դատարկ քսակ, անճոռնի խիզախանք, անկուշտ որովայն և իզձ՝ գանձ դիզելու որով և իցե եղանակաւ, վայ որոց հանդիպին... Ինչի՞ համար ես աշխարհական դարձա, կը կրկներ, — հոգիս և մարմինս փրկելու համար»¹⁶:

Թաղիադյանը պարզ տեսնում էր հոգևորականության պարազիտային բնույթը՝ իր հասարակական գործունեության ամեն քայլափոխին հանդիպելով նրանց խավարամտությունից ու տգիտությունից բխող արգելակիչ գործունեությանը և ենթարկվելով նրանց հալածանքներին, Թաղիադյանը թշնամանքով էր լցված նրանց նկատմամբ: Սակայն նա բացահայտ գաղափարական պայքար չի մղել եկեղեցու դեմ և հոգևորականության նրա քննադատությունը չի շոշափել եկեղեցու գոյության հարցը: Եվ այդ ոչ միայն այն պատճառով, որ նա կարծում էր, թե եկեղեցին պետք է հայ ժողովրդին համախմբող, պզգույնը պահպանող հաստատություններից մեկը լինի, այլև այն պատճառով, որ այն ժամանակներում, ինչպես Հնդկաստանի, այնպես էլ այլ երկրների հայ գաղթավայրերի ժողովրդական մասսաները դեռևս կապված էին եկեղեցու հետ, համախմբված էին նրա շուրջը և տրագիցիոն կապեր ունեին եկեղեցու մայր աթոռի՝ էջմիածնի հետ: Այս հանգամանքը չէր կարող անտեսել Թաղիադյանի նման մի գործիչ: Անտեսել, կնշանակեր իր դեմ լարել ոչ միայն հայ իրականության մեջ դեռևս մեծ կշիռ ունեցող եկեղեցին, այլև մասամբ հայ համայնքը: Այս հանգամանքը նկատի առնելով, նա եկեղեցու քննադատության հարցում զգուշավոր քաղաքականություն էր վարում:

Ըստ Թաղիադյանի, որպեսզի եկեղեցին կարողանա կատարել հայ ժողովրդին համախմբող, ազգությունը պահպանողի գերը և լինի իր արժանի բարձրության վրա, այն պետք է ունենա եկեղեցու և թաղիայի միջև եկեղեցին պետք է ղեկավարվի ոչ թե հոգևորականների կամային իշխանությամբ, այլ ունենա իր սկանոնները, ընդունված և հաստատված համայնքի անդամների կողմից և խստորեն պարտագիր հոգևորականների համար: Իր կողմից նա առաջադրում էր այդպիսի կանոնագիրք՝ տպագրելով Մանուկ Զորարյանի՝ Նոր-Ջուղայի վանքի, նրա միաբանների և եկեղեցու առաջնորդների համար զրկված կանոնները¹⁷: Այս կանոնագիրքը ուշագրավ է այն տեսակետից, որ առաջ է քաշում համատեղ ղեկավարման, ընդհանուր բնույթի ժողովրդի առաջ հաշվետու լինելու սկզբունքները:

Զորարյանի կողմից առաջադրվող կանոնների նպատակն էր սահմանափակել եկեղեցու և հոգևորականության կամայական իշխանությունը հայ հասարակության վրա: Այդ կանոններն որոշ իմաստով ուղղված էին կղերա-ֆեոդալական խավերի դեմ և արտահայտում էին հայ բուրժուական առաջավոր ինտելիգենցիայի ձգտումները: Թաղիադյանը, հանդես գալով այդ կանոնների պաշտպանությամբ¹⁸, աշխատում էր, որ եկեղեցին բարձր կյանքով չլինի հայ հասարակությունից, որ հասարակությունը կարողանա ճակողություն սահմանել նրա վրա՝ ծառայեցնելով այն իր շահերին ու խնդիրներին: Թաղիադյանը ձգտում էր եկեղեցին ենթարկել հասարակական կյանքի պահանջներին, սահմանափակել նրա իրավունքները և դրանով իսկ պայմաններ ստեղծել հասարակական-քաղաքական մտքի հետագա աշխարհականացման

16 Հոգիս և մարմինս փրկելու համար, Կենսագրություն Մեսրոբայ Դավթեան Թաղիադեանց Երևանցու, էջ 47—48:

17 Տե՛ս «Ազգասեր Արարատեան», 1848, № 20:

18 Եկեղեցու վերաբերյալ Զորարյանի կանոններում բարձրացված հարցերին Թաղիադյանը անդրադարձել է նաև առանձին առաջնորդող հոգևածում, լիովին արտահայտելով իր համերաշխությունը նրանց հետ: Տե՛ս «Ազգասեր Արարատեան», 1848, № 23, էջ 177—179:

համար: Այս է Թաղիադյանի եկեղեցու վերափոխման, ռեֆորմի հիմնական բովանդակությունն ու էությունը: Թաղիադյանը մտածում էր, որ միայն այդպիսի պարագաներում եկեղեցին և շոգևորականությունը կկարողանան կատարել այն միսիան, որ հայ հասարակությունը պատմական տվյալ էտապում դնում էր նրանց վրա:

* * *

Հայ հասարակության հետագա զարգացման խնդիրը Թաղիադյանը սերտորեն կապում էր ինչպես բնաշխարհում ապրող, այնպես էլ աշխարհի զանազան երկրներ գաղթած մասսաների կրթության, կուլտուրական մակարդակի բարձրացման, բարոյական դաստիարակության հետ: Այս կապակցությամբ նա ամբողջ հասակով բարձրացնում էր ազգային դպրոցի, մանուկ սերնդի դաստիարակության, կնոջ էմանսիպացիայի, անցյալի ժառանգությունից և ժամանակակից եվրոպական կուլտուրայից օգտվելու և այլ հարցեր:

Թաղիադյանը կահգնած էր այն տեսակետի վրա, թե մարդու մեջ ինչպես բարոյական, այնպես էլ անբարոյական հատկանիշները դաստիարակության, միջավայրի արդյունք են: Նա ժխտում էր բարոյական հատկանիշների, ինչպես նաև գիտելիքների բնածին լինելու ռեալիստական իդեալիստական ուսմունքները և գտնում էր, որ մարդը ի ծնե չունի իր մեջ բացասական կամ դրական հատկանիշներ. դրանք մարդու մեջ առաջանում են աստիճանաբար, և այդ գործում, ըստ Թաղիադյանի, վճռական դեր է կատարում դաստիարակությունը: Ելնելով սրանից, նա գտնում էր, որ մի ազգի բարոյականությունը բարձրացնելու համար անհրաժեշտ է հատուկ ուշադրություն դարձնել մանուկ սերնդի դաստիարակության վրա: «Շնորհ տրամադրված էր կրթության և անկախ օրինաւոր կարգի բերել և դաստիարակութեան գեղեցիկ պտղով բարգաւաճել, — գրում է Թաղիադյանը, — հարկաւոր է, որ այնքան մեծերի վերայ շաշխատես, որքան որ ջանաս մանկանց օրինաւոր ճաւապահով մեծացնես»¹⁹: «Ամեն ազգի նրջանկութեան հիմն մանկանց ուսումնայն»²⁰, — պնդում է նա:

Հասարակության հետագա պրոգրեսի տեսակետից, Թաղիադյանը մեծ հույսեր էր կապում յոստանիքի հետ: «Ամենայն մարդ կփափագի, որ իւր ազգն ծաղկի քաղաքականութեամբ, գիտութեամբ և ամենայն տեսակ առաքինութեամբ և ահա, դայն բան հեշտացնողքն կամ դժուարացնողքն առաջինն ծնողքն են»²¹, գրում է Թաղիադյանը: Այս կապակցությամբ նա զայրույթով է արտահայտվում Արևելքում կնոջ ստրկական վիճակի մասին և ամբողջ հասակով բարձրացնում է կնոջ ազատության պրոբլեմը: Նա գրում է, որ հայերը «ընդ որմովք և վարագուրօք» են պահում հայ կնոջը «զրկելով յամենայն կենցաղօգուտ և պիտանի գիտութեանց»²²: Իր աշխատություններում և հոդվածներում նա բազմիցս անդրադառնում է կնոջ ազատության պրոբլեմին: Դեռևս 1828 թ. երևանցիներին գրած իր նամակում, նա կնոջը յոստանիքի հոգսերից, ընտանիքի չորս պատերից դուրս բերելու և նրան հասարակական կյանքի բնագավառը ներգրավելու հարց էր պնդում²³:

Կնոջ հասարակական դերի, նրա էմանսիպացիայի հարցը հնդկահայ գաղութի (և ոչ միայն հնդկահայ գաղութի) համար կարևոր հարցերից մեկն էր Պատահական չէ, որ «Արարատյան ընկերությունը» «Աղգասէրի» միջոցով նվեր (100 ռուբլի) է խոստանում նրան, ով կգրի «Ճառ ինչի վերայ դաստիարակութեան օրիորդաց Հայկազանց»²⁴: Թաղիադյանը ինքն է ձեռնարկում այդ գործը և շուտով գրում է՝ «Ճառ դաստիարակութեան օրիորդաց մեծածավալ հոդվածը, որը հետագայում հրատարակում է նաև առանձին բրոշյուրով: Այստեղ նա, քննադատելով կնոջ ստրկական, կաշկանդված վիճակը, հանդես է գալիս կնոջ հավասարության, էմանսիպացիայի պաշտպանությամբ: Նա հարց է դնում, որ կինը անպայման ուսում ստանա, գրագետ ու կրթված լինի, բանի որ նա ապագա սերնդի դաստիարակն է և հատկապես մեծ դեր ունի կատարելու սերնդի բարոյական դաստիարակության գործում:

Կնոջ էմանսիպացիայի հարցին Թաղիադյանը մոտենում էր հայ իրականության կոնկրետ պայմաններին համեմատ: Նա կնոջ լուսավորվելու մեջ տեսնում էր հայ ժողովրդի ազ-

19 «Աղգասէր», 1846, № 25, էջ 39:

20 «Աղգասէր», 1846, № 39, էջ 160:

21 «Աղգասէր», 1846, № 26, էջ 39:

22 Մ. Թաղիադյան, «Ճառ դաստիարակութեան օրիորդաց», Կալկաթա, 1847, էջ 61:

23 Մկրյան, Կենսագրութիւն Մեսրոբայ Դավթիան Թաղիադեանց Նրբանցոյ, էջ 137:

24 «Աղգասէր», 1845, № 13, էջ 104:

գային վերածնության նախապայմաններից մեկը, Հայաստանը օտարերկրյա բռնակալությունից ազատագրելուն օժանդակող հանգամանքներից մեկը: Այսպես, առարկելով նրանց, որոնք ծաղրելով Հայաստանի ազատագրության խնդրում կնոջ դերի հարցը, ասում էին, թե թող տղամարդիկ տանը նստեն, իսկ կանայք զենք վերցնեն և պատերազմի դուրս գան, Թաղիադյանը գրում է. «Օրիորդաց մերից չպիտին արտաքին զենք, այլ ներքին ոգւոց արիւթիւն: որով կարող լինիցին ծնանիլ, սնուցանել և հասունացնել արս քաջս ի պաշտպանութիւն հայրենեաց, որով կարասցեն ի խռովութիւնս պատերազմաց անխռով և անվրդով գտունս կառավարել, արանց և ազգականաց իրենանց առունին կարևորքն նպաստ հասնողանել, պատահանող և պաշարաց նախատես և զգոյշ լինել...»²⁵. և այլն: Այսինքն՝ Թաղիադյանը պահանջում էր, որ կինը պատրաստ լինի հասարակական գործունեության և կարողանա փոխարինել տղամարդուն այն ժամանակ, երբ դրա անհրաժեշտություն է առաջանում:

Թաղիադյանը շեշտում է կնոջ դերը ազգի լուսավորության բարձրացման գործում: Նույն գրում է. «Ազգի լուսավորութեան միտ դիք, որոյ հիմունքն են կանայք»²⁶: Որպես նոր սերնդի դաստիարակ, կինը մեծ անելիքներ ունի, իսկ նա կկարողանա կատարել հասարակության կողմից նրա վրա դրված պատասխանատու խնդիրն այն ժամանակ, երբ նա ինքը կունենա համապատասխան կրթություն: Մատաղ սերնդին ազգային ոգով դաստիարակելու համար անհրաժեշտ է, որ կինը իմանա իր ազգի պատմությունը, լավ տիրապետի մարենի լեզվին: Ծնելով հայ կյանքի առանձնահատուկ պայմաններից, Թաղիադյանը գտնում էր, որ օտարամոլության արատը գաղութահայ ընտանիքներում ներս է թափանցում նաև այն պատճառով. որ հայ կինը կրթված չէ, նրա մեջ թույլ է ազգային ինքնագիտակցությունը, և նա չի կարողանում հայրենասիրության ոգով դաստիարակել իր որդիներին: Երեխան ընտանիքում մշակման գործում փոքր դեր չի խաղում ծնողի, տվյալ դեպքում հատկապես մոր, սնուստիապաշտությունը, նախապաշարված լինելը:

Նոր սերնդի դաստիարակության մյուս հիմնական օղակը, ըստ Թաղիադյանի, դպրոցն է: Նա մերժում է տնային անհատական ուսուցման ձևը և գտնում է, որ դպրոցական ուսուցումը լավագույն ձև է, քանի որ դպրոցը երեխայի մեջ դաստիարակում է պատասխանատվության, կոլեկտիվության, կարողապահության զգացմունք:

Թաղիադյանը դեմ էր միջնադարյան-կրոնական դպրոցներին: Նա պահանջում էր ավելի մեծ ուշադրություն դարձնել «ազատական արվեստներին», ճշգրիտ քնական գիտություններին՝ մաթեմատիկային, ֆիզիկային, քիմիային, աշխարհագրությանը և այլն: Թաղիադյանը ակտիվ պայքարում էր դպրոցների աշխարհականացման համար և քննադատում էր ուսման եկեղեցական-միջնադարյան դրվածքը: «Ժառանգարհորդութիւն ի Հայոս աշխատության մեջ նույն սրտի կսկիծով է նկարագրում եկեղեցական կրթության աղբատությունը, սահմանափակությունը և էջմիածնում ուսման գրվածքի արատավոր կողմերը»²⁷:

Թաղիադյանը հանդես էր գալիս նոր հիմունքներով ազգային դպրոցներ ստեղծելու պահանջով՝ նրանց հետ կապելով հայ ժողովրդի լուսավորության, ազգային կոնսոլիդացիայի, նետադա հաջողության կարևոր խնդիրը: Նա անհրաժեշտ էր գտնում, որ ամենուրեք, որտեղ կան հայ ընտանիքներ, դպրոցներ բացվի և կրթությունը դարձվի համաժողովրդական գործ: Միայն մի քանի բարեգործների օժանդակությամբ բացված դպրոցները չեն կարող լուծել այն կարևոր խնդիրը, որ դրվում է նրանց վրա: «Մեր ազգը ոչ թե հինգ կամ վեցի, այլ հազարավոր դպրոցների, վարժատանց և արհեստանոցաց հարկաւորութիւն ունի, քանզի մին ազգի համար հինգ կամ վեց կրթարաններն այնպես են, որպես մին կաթ անձրեն»՝ մին մեծ ցամաք դաշտի, կամ որպէս մին՝ ճրագի լոյս՝ բոլոր քաղաքի»²⁸. - կարդում ենք «Ազգասէրում»:²⁹ Ազգային դպրոցները պետք է կանխեն հայ ժողովրդի ստանդարտացման և ասիմիլյացիայի պրոցեսը: «Քանզի դպրոց և այն ազգայինն է միայն, որ ուսուցանէ որդւոց քոց ուստերաց և դստերաց միանգամայն՝ զբարս, զբնասորութիւն և զսէպական յատկութիւն Ազգիդ: Ոչ ոչ կարէ սիրել զայն՝ զոր ոչ ետես երբէք և ոչ լուսաւ, ազգային դպրոցն է, որ ուսուցանէ որդւոց քոց զվճիտ պատմութիւն ազգիդ և վառէ զնոսա ի սէր հայրենեաց իւրեանց»³⁰. - գրում է,

²⁵ Թաղիադյան, «Ժառանգարհորդութեան օրիորդաց», էջ 41—42:

²⁶ «Ազգասէր», 1847, № 76, էջ 27:

²⁷ Տե՛ս «Ժառանգարհորդութիւն ի Հայս, հատ. 1, էջ 111—114:

²⁸ «Ազգասէր», 1845, № 11, էջ 88:

²⁹ «Ժառանգարհորդութեան օրիորդաց», էջ 43:

Թաղիադյանը Այսինքն՝ դպրոցը այն հաստատությունն է, որը պատվաստում է հայ մանուկ սերնդի մեջ ազգային գիտակցություն, տալիս է նրան գիտելիքներ ազգային պատմության, կուլտուրայի մասին, սովորեցնում է մայրենի լեզուն և այսպիսով կանխում է հայ ժողովրդի ւտարացումը: Նրան հայ մանուկները հաճախում են օտար դպրոցներ, ապա դրա հետևանքը լինում է այն, որ նրանք կտրվում են ազգային կրթությունից, օտարանում են և, աստիճանական ասիմիլյացիայի միջոցով, հայ ազգի ոչնչացման սպառնալիք է ստեղծվում:

Թաղիադյանը գտնում էր, որ հայ ժողովրդի կուլտուրական ու քաղաքական մակարդակը բարձրացնելու նպատակով պետք է լայն կերպով տարածել և սրուպաղանդել եվրոպական ժողովուրդների կուլտուրական ու տնտեսական նվաճումները: Հայ ազգի կուլտուրական վերելքի համար եվրոպականից օգտվելու հարցը իր ժամանակին հայ հասարակության կողմից բարձրացված կարևոր հարցերից մեկն էր: Թաղիադյանի կողմից խմբագրվող մամուլում՝ «Ազգասերում» և «Ազգասէր Արարատեանում» այն իր արժանի լուսարանում է գտել: Ուսումնասիրելով այս կապակցությամբ նրա մամուլում տպագրված հոդվածները, մենք տեսնում ենք, որ հնդկահայ հասարակության մեջ այս հարցի շուրջը գոյացել էր հիմնականում երկու խմբավորում: Ոմանք գտնում էին, որ հայ ժողովրդի կուլտուրական մակարդակը բարձրացնելու համար եվրոպական կուլտուրայից պետք է օգտվել առավելագույն չափով, որ պետք է հիմնվել եվրոպական կուլտուրայի վրա՝ մեծ զարկ տալով թարգմանություններին: Թաղիադյանը և նրա համախոհները կանգնած էին այլ տեսակետի վրա: Չանտեսելով եվրոպական կուլտուրայի պրոպագանդումը, նրանք գտնում էին, որ ազգային պետք է հիստորիայի հարազատ է, ավելի մոտ է, ավելի հասկանալի է ժողովրդին: Տպագրելով «Ազգասերում» Բաթավիայից մի հայի (Բարեկամ կեղծանվան տակ) հոդվածը, Թաղիադյանը իր համերաշխությունն է արտահայտում հոդվածագրի հետ այն հարցում, թե անպայման պետք է օգտվել եվրոպական կուլտուրական նվաճումներից, սակայն առարկում է եվրոպական հիմք բնդունելու նրա պահանջին: «Ձանազանութիւն միայն է, — գրում է Թաղիադյանը, — զի մեք բնորեցաք մեզ զուղին հարթ՝ ախորժ գրոսանօք ի ծանօթից յանծանօթս վերանալ, իսկ նա՝ (հոդվածագիրը—Գ. Դ.) յանծանօթից ի ծանօթս իջանելս»³⁰:

Մոռացության տալ ազգային անցյալը, ըստ Թաղիադյանի, նշանակում է պայմաններ ստեղծել հայ ազգի օտարացման և ասիմիլյացիայի համար: Չուսումնասիրել ազգայինը, նշանակում է անտեսել և մոռանալ հայոց լեզուն, այսինքն՝ կորցնել, ըստ Թաղիադյանի, ազգային կարևորագույն հատկանիշներից մեկը: Թաղիադյանը գիտակցում էր, որ միայն ազգային նախորդ մշակույթի յուրացման հիման վրա կարելի է բարձրացնել ազգային նոր կուլտուրան:

Եվրոպական կուլտուրան հայ ժողովրդի մեջ տարածելու նպատակով, Թաղիադյանը իր պարբերականի էջերում զգալի տեղ էր հատկացնում եվրոպական գրողների, պոետների ստեղծագործություններին թարգմանական հրատարակությամբ: Ուշագրավ է այն հանդամանքը, որ Թաղիադյանը եվրոպական հեղինակներից թարգմանություններ կատարում էր որոշ բնորոշությամբ: Նա իր մամուլի էջերում տպագրում էր այնպիսի հատվածներ, որոնք դատափետում էին սուտը, կեղծիքը, անարդարությունը, որտեղ արտահայտվում էին հումանիստական գաղափարներ, քննադատվում էին պորտաբուլյաները և համակրանքով էր խոսվում աշխատավոր մասսաների մասին: Այս հանգամանքի վրա իրավացիորեն ուշադրություն է դարձրել Ա. Գարինյանը և այս առումով իր «Ակնարկներ հայ պարբերական մամուլի պատմության» ուշագրավ աշխատության մեջ քննել է «Ազգասերում» և «Ազգասէր Արարատեանում» հրապարակված հոդվածներն ու նյութերը³¹:

Հայ ազգի կուլտուրական վերելքը Թաղիադյանը կապում էր հայ ունեոր խավրի օժանդակության հետ: Նա տեսնում էր, որ հասարակության մեջ նրանք մեծ ուժ են ներկայացնում, ազդեցիկ են և միջոցներ ունեն ռենդհանրության (իմա՝ հասարակության) լուսավորության գործը կազմակերպելու համար: Հայ ազգի լուսավորության գործը առաջ տանելու համար պետք է հիմնել դպրոցներ, մամուլ, տպարան և այլն, իսկ դրա համար անհրաժեշտ են դրամական միջոցներ, որը կարող են տալ միայն հարուստները: Ուստի, մտածում էր Թաղիադյանը, նրանց օժանդակությունից է կոխված հայ հասարակության կուլտուրական վերելքը:

30 «Ազգասէր», 1847, № 112, էջ 319:

31 Տե՛ս Ա. Կարինյան, Ակնարկներ հայ պարբերական մամուլի պատմության, հ. 1, 1956, Երևան, էջ 311—318:

«Ուսումնականութիւն ազգիս ներկայ,— գրում է նա,— կախնալ կա զբարեհաճութենէ հարստացումանց և բարեաց, որոց շնորհք որպէս շուշանք ի գարուն զբարեգիտութեան մերոյ, փոյթ ծաղկին և փոյթ թառամին»³²։ Այսինքն՝ Թաղիադյանը հայ բուրժուազիայի օժանդակության հետ էր կապում հայ ազգի կուլտուր-տնտեսական զարգացման հետագա բախտը։ Այս, իհարկե, պատմական իրողության վրա հիմնված եզրակացություն էր, որը համապատասխանում էր այն ժամանակվա պատմական պայմաններին։ Փաստ է, որ Թաղիադյանի ժամանակաշրջանում հայ բուրժուազիայի հովանավորությամբ ու օժանդակությամբ էր հայ գաղթավայրերում և հայկական կուլտուրական կենտրոններում աշխուժացում սուրբում հայկական տպագրությունը, մամուլը։ Հենց իրեն Թաղիադյանի խմբագրած «Ազգասէրն» ու «Ազգասէր Արարատեանը» իրենց գոյությանը նշանակալի շափով արդյունք էին հայ բուրժուական խավերի աջակցության և հովանավորության։ Սակայն Թաղիադյանը հենց իր պարբերականի հրատարակության փորձով միաժամանակ համոզվում է, որ հայ հարուստները միշտ չէ, որ հոժարակամ և ակտիվ աջակցություն են ցույց տալիս ազգի լուսավորության դորձին։ «Ազգասէր Արարատեան»-ի վերջին համարներից մեկում, նա գանգատվում է, որ նրանք, զրկելով իրեն աջակցությունից, դրանով իսկ, վնաս են հասցնում «ընդհանրության» գործին։ Այսպիսով, նա ինքը տեսնում էր այն պատենքը, որ գոյություն ունէր հայ հարուստների օժանդակության հետ իր կապած հույսերի և ունալ իրականության միջև։ Առաջնորդողներից մեկում, երբ թերթի փակման սպառնալիքը ավելի ունալ է դառնում, Թաղիադյանը ալեգորիկ խմաստով գրում է. «Գոչը որդին դատապարտեալ առ անգութն նաղիր շահ. Ոչ զիմ աչս հանես հայր, այլ զհամօրէն Պարսկաստանի»³³։ Այս խոսքերն ուղղված են հայ հարուստների դեմ, որոնք զրկելով Թաղիադյանի օժանդակությունից ոչ թե նրան են հարված հասցնում, այլ ամբողջ հայ ժողովրդին։ Թաղիադյանը գիտակցում էր, որ հայ հարուստների համար հիմնականը իրենց սեփական շահն է, որովհետև նա տեսնում էր, որ հասարակության մեջ մարդ, վերջին հաշվով, գնահատվում է իր հարստությամբ։

Այսպիսով, ակնհայտ է, որ հայ ժողովրդի լուսավորության գործում բուրժուազիային տված դերի հարցում Թաղիադյանը որոշ տատանումներ էր ապրում և հակասական կարծիքներ էր արտահայտում։ Բուրժուազիային վերագրող դերի նկատմամբ նրա տատանումները հետևանք էին այն պրակտիկայի, որին նա հանդիպում էր իր ծրագրերը իրականացնելու ճանապարհին։ Թաղիադյանը, մի կողմից, ազգային լուսավորության գործում իր ամբողջ հույսը կապում էր հայ բուրժուական խավերի հետ ու ձգտում էր, որ նրանք դառնան այդ կարևոր գործի մեկնասաններն ու ակտիվ կազմակերպիչները, իսկ, մյուս կողմից, տեսնելով նրանց վերաբերմունքն այդ խնդրին, հուսախաբ եղած երես էր դարձնում նրանցից ու քննադատական խոսքեր նետում նրանց հասցեին։ Սակայն, պետք է նշել, որ նրա քննադատությունն ավելի թույլ էր, քան հավատարմ բուրժուական խավերից սպասվող դերի նկատմամբ։ Բուրժուական խավերի՝ Թաղիադյանի քննադատությունը հետապնդում էր ավելի նրանց ուղղելու, ուժեղացնելու և նրանց միջոցները առավել ունալ օգտագործելու, քան նրանց մեկնացնելու նպատակ։ Թաղիադյանը հայ ժողովրդի կուլտուր-տնտեսական հետագա զարգացման համար բուրժուական խավերից, բուրժուական ինտելիգենցիայից բացի այլ ուժ չէր տեսնում (և չէր էլ կարող տեսնել), ապավինում էր նրան և հավատում էր, որ նա կկարողանա խաղալ այն դերը, որն ինքը կապում էր հայ բուրժուազիայի հետ։ Այս ամենին էլ Թաղիադյանի դասակարգային սահմանափակության հետևանք չէր։ Այդ ավելի շատ նրա պատմական ժամանակաշրջանի սահմանափակությունն էր, նրա ժամանակաշրջանի հայ իրականության, նրա միջավայրի արդյունքը։

Հայ ժողովրդի տնտեսական և կուլտուրական առաջադիմության գործում բուրժուական խավերին ներգրավելու, օտարամոլությունից և ասիմիլյացիայից ժողովրդին փրկելու կարևոր միջոցներից մեկը Թաղիադյանը համարում էր հայրենասիրության զգացումը։ Զգտելով հայ ժողովրդի սրտում վառել հայրենասիրության կրակը, նա աշխատում էր սերմանել նրա մեջ այն գիտակցությունը, թե հայրենիքի և անհատի շահերը համընկնում ու փոխադարձորեն պայմանավորված են։ Անտեսելով հասարակության դասակարգերի բաժանումը (իհարկե ոչ դիտակցորեն), Թաղիադյանը գտնում էր, որ անհատը կարող է ձեռք բերել իսկական երջանկություն այն դեպքում, երբ ազատ ու անկախ է նրա հայրենիքը և ապրում է տնտեսական փ-

³² «Ազգասէր Արարատեան», 1843, № 9, էջ 66։

³³ «Ազգասէր Արարատեան», 1851, № 66, էջ 522։

րելք» ՈՒՎ կամի երջանիկ կալ,— գրում է նա,— նախ պիտի իր հայրենեաց երջանկութեան միտ դնի»³⁴։

Ժողովրդի հայրենասիրության աստիճանը Թաղիադյանը սերտորեն կապում էր ազգային ինքնագիտակցության հետ։ Այնպիսի դրանից, նա հայ ժողովրդի հայրենասիրությունը բարձրացնելու համար անհրաժեշտ էր համարում ծանոթացնել ժողովրդին անցյալի պատմության հերոսական էջերին ու կուլտուրային։ Այդ նպատակով իր գիտական-հասարակական գործունեությամբ, մամուլի միջոցով նա ձգտում էր ազգային հպարտության ու արժանապատվության զգացմունք բորբոքել հայ ժողովրդի լայն մասսաների մեջ, համոզված լինելով, որ այն մեծապես կնպաստի ժողովրդի համախմբմանը, պայքարելու և ազգային անկախությունը վերանվաճելու տրամադրությունների ուժեղացմանը։

Թաղիադյանը ամեն կերպ ձգտում էր օգնել այն բանին, որպեսզի ժամանակի ընթացքում Հայաստանից օտար երկրներ գաղթած հայերը պահպանեն իրենց ազգային առանձնահատկությունները, մինչև որ լայն հնարավորություն կստեղծվի վերադառնալ մայր հայրենիք՝ «Ազգասէր»-ի էջերում նա գրում էր. «Մենք տեղիս, արմատական ծառեր չեմք, մեր արմատն մեր հայրենիքն է, և եթէ չընամք մի կամ միս եղանակաւ մեր հայրենեաց երջանկութիւնս հաստատել, կարելի չէ որ մեր երջանիկ ապրիմք»³⁵։ Թաղիադյանը կոչ էր անում օտար երկրներ գաղթած հայությանը սիրել հայրենիքը, կապվել նրա հետ։ «Ազգ իմ,— գրում էր նա,— սիրեա զքեզ ինքն, փարեա զվսեմութեամբ նախահարց քոց, մարդասէր լեր, այլ մի բնաւ օտարասէր, զքեզ և զքոյսդ արհամարհելով»³⁶։ Թաղիադյանը պայքարում էր ազգային նիհիլիզմի դեմ, Հայրենասիրության, ազգասիրության նրա կոչը, սակայն, չէր կրում նացիոնալիստական բնույթ։ Այն արտահայտվում էր հումանիզմի, ժողովուրդների բարեկամության, շրջանակներում. «մարդասէր լեր, այլ մի բնաւ օտարասէր», ընդգծում է Թաղիադյանը։

Այս տեսակետից ուշադրավ է Թաղիադյանի վերաբերմունքը եվրոպական երկրների գաղութային քաղաքականության նկատմամբ։ Նա քննադատել է Պորտուգալիայի, Ֆրանսիայի, մասնավորապես Անգլիայի գաղութային քաղաքականությունը Հնդկաստանում։ Նա ցույց է տալիս, թե ինչպես անգլիական պետությունը օգտագործում է բոլոր միջոցները (բռնի ուժով քրիստոնեության տարածում, պատերազմների և ներքին խլրտումների կազմակերպում, քաղաքակրթության տարածման խարուխկ լուսնոցների օգտագործում և այլն) Հնդկաստանը թալանի և կողոպուտի ենթարկելու համար։ Նա մեծ հումանիստին հատուկ վշտով է արձանագրում այն փաստը, որ անգլիացիները հնդիկ ժողովրդին շահագործելով մեծ գումարներ են կորզում, մինչդեռ ոչինչ չեն ծախսում Հնդկաստանի քաղաքակրթական ժողովուրդների կենսական մակարդակի և կրթության բարձրացման վրա³⁷։

Նրա պարբերականի էջերում շատ անգամ կարելի է հանդիպել գաղութային քաղաքականության և «քաղաքակրթված» պետությունների թույլ տված գաղանությունների վերաբերյալ դիպուկ, խիստ դարձվածքների³⁸։

Գնահատելով եվրոպական քաղաքակրթված ազգերի բարձր կուլտուրան, Թաղիադյանը, սակայն, դեմ էր պատմականորեն հետ մնացած ժողովուրդների արժանիքների նսեմացմանը։ Նա բարձր էր գնահատում շին և հնդիկ ժողովուրդների անցյալի բարձր կուլտուրան և նրանց ներդրումը մարդկության առաջընթացի գործում։ «Ազգիս այսմիկ պարտէ աշխարհ ամենայն զգիտութիւնն ձեռակերտաց մետաքսի, շաքարի, յախճապակոյ, վառօղի և նաւորդական կողմնացոյցի»³⁹,—գրում է Թաղիադյանը։ Իր պարբերականի էջերում նա հարց է բարձրացնում հնդկական կուլտուրայի հուշարձանները պահպանելու մասին։

Թաղիադյանը հավատում էր, որ գաղութային սուլկացման ենթարկված ժողովուրդները ընդմիջու շին մնալու այդ դրության մեջ։ Նա տեսնում էր, որ Հնդկաստանի այս ու այն կողմերում անգլիացիների դեմ բռնկված ելույթները, ժողովրդի ընդհանուր դժգոհությունը գաղութային լծից գնալով ուժեղանում է և մի օր կվերածվի անկախության ու ազատության համար մղվող համաժողովրդական, ընդհանուր պայքարի։ Հաղորդելով Փանջաբի ապստամբների նկատմամբ անգլիացիների տարած հաղթության լուրը, Թաղիադյանը կցում է հետևյալ

34 «Ազգասէր», 1845, № 18, էջ 139։

35 Նույն տեղում։

36 Նույնը, 1847, № 109, էջ 293։

37 Տե՛ս «Ազգասէր Աբարատեան», 1849, № 27, էջ 215։

38 Տե՛ս «Ազգասէր Աբարատեան», 1849, № 26, էջ 221 և այլն։

39 «Ազգասէր», 1847, հատ. Ե, էջ 64։

ծանոթությունը. «Աչք Հնդկաց Բաշան և պարտ է Տերութեան (անգլիական—Գ. Գ.) այսուհետև զգոյշ կալ: Ապա թի ոչ, օրինակ Ամերիկա աւերթեր կա նոցա: Այն վաղ էր, զի ժողովուրդը ընդ բոմբին թնդանօթաց գտրհուրեալք և ահաբեկեալ լինէին: Այժմ կարէ Հնդկաստան և թնդանօթ յօրինել և զվառօղ ընտիր»⁴⁰, Շատ որոշակի է արտահայտված այստեղ Քաղիաղյանի միտքը և նրա համակրանքը ապստամբ ժողովուրդների կողմն է:

Հայրենասիրության կոնկրետ դրսևորումը Քաղիաղյանը տեսնում էր հայրենիքի առաջադիմությանը դործնական օգնություն ցույց տալու պատրաստակամության մեջ: Այդպիսին է եղել նրա կյանքը: Մոռանալով իր անձնական շահերը, նա անկաշառ կերպով իր ամբողջ կյանքն ու ուժերը նվիրեց հայ ժողովրդի լուսավորության, նրա ազգային ինքնագիտակցության բարձրացման գործին: Քաղիաղյանը իր աշխատություններում զեղարվեստական ստեղծագործության մեջ հաճախ է արտահայտել իր ջերմ հայրենասիրությունը, գրելով, որ հայրենիքին ծառայելու իր կյանքի միակ նպատակն է: «Եթե ես վասն ապրուստի իմոյ հոգայի, ինչ զիմա այլոց ոչ տայի և րաւական էր,— գրում է նա իր նամակներից մեկում— Եւ թի զպարապուծին զհանգիստ սիրելի՝ ահաւասիկ զերկուսին ևս ունիմ ի մեղմ և ի թուլամորթ քաղաքի այսմիկ: Բայց չէ, կամիմ, եթե կեամ, պիտանի լինել Ազգի իմում և եթե մեռնիմ՝ ի մեջ Ազգիս մեռանիս»⁴¹, Իսկ երևանցիներին ուղարկած հայտնի նամակում նա գրում էր. որ պատրաստ է իր կյանքն ու գիտելիքները նվիրել իր հայրենիքի տնտեսական ու կուլտուրական բարգավաճման համար: «Ես ուրախ կլինեմ ապրիլ ձեզ համար և մեռնել ձեզ համար»⁴²,—գրում էր նա: Քաղիաղյանի այս խոսքերը բարձրագույն խոսքեր չեն իր հասցեին, դրանց ճշմարտությունն է ապացուցում նրա ողջ, պայքարով և շարշարանքներով լի, կյանքը:

Քաղիաղյանի ջերմ հայրենասիրության մասին գրել է մեր մեծ ունություն-դեմոկրատ Միքայել Նալբանդյանը, որը Քաղիաղյանի հայրենասիրությունը համեմատում է մեր մեծ լուսավորիչ-դեմոկրատ Արշակունի կրքոտ հայրենասիրության հետ, նրանց կյանքի ու հայրենիքի համար պայքարի մեջ շատ նմանություններ տեսնելով⁴³:

Քաղիաղյանի հայրենասիրությունը տոգորված էր վառ օպտիմիզմով: Նա ջերմ հավատով էր լցված իր հայրենիքի լավագույն ապագայի նկատմամբ: Նա գիտակցում էր, որ հայ ժողովուրդը հավերժ չի կարող և չի մնա տգիտության, աղքատության ու հետամնացության մեջ. որ կգա այն օրը, երբ նա կկանգնի աշխարհի քաղաքակիրթ ժողովուրդների կողքին և իր լուսման կունենա ժողովուրդների ընդհանուր զարգացման գործում, միայն թե պետք չէ ձեռքերը ծալած նստել և սպասել այդ երսնավետ օրվան, այլ պետք է դրա համար ակտիվ պայքար ծավալել, ուղիներ որոնել տգիտությունից, հետամնացությունից դուրս գալու և ազգային, անկախություն նվաճելու համար:

40 «Ազգասէր», 1847, էջ 163:

41 Մ կ ր ե ա ն, Կենսագրութիւն Մ. Գ. Քաղիաղեանց Երևանցոյ, էջ 37 (նամակը գրված է 1857 թ. մայիսի 27):

42 Նույն տեղում, էջ 127:

43 Տե՛ս ն ա լ բ ա ն դ յ ա ն, Երկերի լիակատար ժողովածու, հ. 1, էջ 267—268: